

全宋詩輯補

湯華泉 輯撰

第四冊

黃山書社

全宋詩輯補

全宋詩
輯補

湯華泉

輯撰

第四冊

黃山書社

“十二五”國家重點出版規劃項目
本書出版得到國家古籍整理出版專項經費資助
安徽大學“211工程”三期經費資助



題廬山果禪師像

鶴鳴峰前，聲聞於天。瀑布之下，思如涌泉。望之毅然，即之溫然。雙劍屹立，香爐生烟。之人也，之德也，與茲山而俱傳。《雲卧紀譚》卷上。

南山

烟花澹蕩連三里，雲樹低迷過一州。崗獻卧龍春色老，氣橫野馬日光浮。《永樂大典》卷七八九一引《臨汀志》。

蕭 磐

一四五〇七

火山詩三首

火山之火載於圖經有三說，越中人人知之，而耆老云不見者餘五十年矣。紹興辛巳仲冬三日甲辰，山初若流星，已而如日，乍見乍隱，久之乃散爲數道，流轉山頂。郡人嘆曰：『聖火！』歸美於予。予無德而當之，因作詩以識其事。

寶劍靈珠地所藏，山間何事發光芒。郡人但識爲吾美，爭解天朝火德昌。

火山無火碑猶在，結也翻爲妄也言。自此神光俱不見，向來徒說道州元。

千詩百賦鬥瑰奇，總道前賢迹可齊。顧我非才何以稱，願回嘉瑞福群黎。《永樂大典》卷三三四三

引《蒼梧志》。

林 迪

一四五〇九

題東湖

萬頃閑田占得多，平堤滉漾接東坡。
流波散施連阡陌，餘事猶堪長芰荷。
引《清漳志》。《永樂大典》卷二二六二

陳元老

一四五一二

句

謝安肯爲蒼生起。

太學名華人紫宸。

小郡何煩鳳翼張。

全宋詩已收作者補

一四六七

玉麟春踏武陽花。

長與聖明恢壽域。

鰲殿沉沉玉鎖關。《五百家播芳大全文粹》卷八七韓駒《上傅守生辰詩集句》。

句

誰爲陶潛買酒樽。《白菊集譜補遺》集句。

釋守卓

一四五一九

頌古

世尊因五通仙人問云：『佛有六通，我有五通，如何是那一通？』世尊召仙人，仙人應諾。世尊曰：『那一通，爾問我。』

汝問如何此問親，嶺梅江柳共芳春。抱贖不用行搜檢，已自當堂露賊身。《禪宗頌古聯珠通集》

東土初祖菩提達磨大師，即西土二十八祖。初至金陵見梁武帝，帝問曰：「如何是聖諦第一義？」師曰：「廓然無聖。」曰：「對朕者誰？」師曰：「不識。」帝不領悟，師遂折蘆渡江至魏。後帝舉問志公，公曰：「陛下識此人不？」曰：「不識。」志曰：「此是觀音大士傳佛心印。」曰：「當遣使詔之。」志曰：「莫道陛下詔，蓋國人去，他亦不回。」

不解作客，勞煩主人。面無慚色，少喜多嗔。同上卷六。

二祖慧可大師，初至少林，參承達磨，立雪斷臂，悲淚求法。磨知是法器，乃曰：「諸佛最初求道，爲法忘形，汝今斷臂，求亦可在。」祖曰：「諸佛法印可得聞乎？」磨曰：「諸佛法印不從人得。」祖曰：「我心未寧，乞師安心。」磨曰：「將心來與汝安。」祖曰：「覓心了不可得。」曰：「與汝安心竟。」祖於此悟入。

父財子用，父用子財。覓心無處，心眼自開。同上卷七。

清源因僧問如何是佛法大意，師曰：「廬陵米作麼價？」

廬陵米價播諸方，高唱輕酬力未當。覷面不干升斗事，悠悠南北謾猜量。同上卷九。

歸宗因小師辭，乃問：『甚處去？』曰：『諸方學五味禪去。』師曰：『諸方有五味禪，我這裏祇有一味禪。』僧便問：『如何是和尚一味禪？』師便打，僧曰：『會也，會也。』師曰：『道來，道來。』僧纔開口，師又打。

私醞香醇價又輕，至今官路少人行。歸宗一味如連苦，蹉過叢林幾後生。同上卷一一。

洪州百丈山惟政禪師問南泉：『諸方善知識還有不說似人底法也無？』曰：『有。』師曰：『作麼生？』曰：『不是心，不是佛，不是物。』師曰：『恁麼則說似人了也。』曰：『某甲即恁麼，和尚作麼生？』師曰：『我又不是善知識，爭知有說不說底法？』曰：『某甲不會，請和尚說。』師曰：『我太煞與汝說了也。』

不會誰不會，相逢且吃茶。不尋雲水路，爭得到僧家？同上卷一二。

鎮州金牛和尚每日自作飯供養衆僧，至齋時舁飯桶到僧堂前，作舞，呵呵大笑曰：『菩薩子，吃飯來。』菩薩子，吃飯來，一喚令人眼豁開。却憶上方曾打鼓，親持鐵鉢詣天台。同上卷一三。

趙州因僧問：『承聞和尚親見南泉是否？』師曰：『鎮州出大蘿蔔頭。』

鎮州出菜名蘿蔔，過後思量却難得。王老兒孫不覆藏，逢人直露真消息。同上卷一八。

趙州因學人問：『乍入叢林，乞師指示。』師曰：『吃粥了也未？』曰：『吃粥了也。』師曰：『洗鉢盂去。』其僧忽然省悟。

乍入叢林問作家，由來枯木別抽芽。鉢盂洗了相逢着，又得濃烹一碗茶。同上卷一九。

趙州因僧問：『毫厘有差時如何？』師曰：『天地懸隔。』僧云：『毫厘無差時如何？』師曰：『天地懸隔。』

毫厘有差天地隔，毫厘無差天地隔。隔不隔，俱端的。但能信手摘楊花，須會風生庭前柏。趙州關，好標格，曹溪路上沒踪迹。同上卷二〇。

鎮州臨濟義玄禪師。初在黃檗，隨衆參侍，時堂中第一座勉令問話，師乃問：『如何是祖師西來的的意？』檗便打。如是三問，三遭打。遂告辭第一座云：『早承激勸問話，惟蒙和尚賜棒，所恨愚魯，且往諸方行脚去。』座遂告檗云：『義玄雖後生，却甚奇特，來辭時願更垂提誘。』來日師辭檗，檗指往大愚。師遂參大愚。

鷲峰痛打不死，高安輕撥便活。見機獨露三拳，當鋒誰辨一喝？同上卷二一。

福州靈雲志勤禪師初在馮山，因見桃花悟道，有偈曰：「三十年來尋劍客，幾回落葉又抽枝。自從一見桃花後，直至如今更不疑。」

靈雲見了絕謔訛，獨步寰中不較多。敢保老兄猶未徹，令人疑着備頭陀。

鼎州德山宣鑿禪師在蜀常講《金剛般若經》，時謂之周金剛。遂將《青龍疏鈔》出蜀，至澧陽路，徑造龍潭，到法堂曰：「久嚮龍潭，及乎到來，潭又不見，龍又不現。」潭曰：「子親到龍潭。」師無語，遂栖止焉。

潭不見，龍不現，親到龍潭遭一玷。瞥然歸去牙如劍，棒頭撒出光焰焰。同上卷三三。

鏡清問僧：「門外什麼聲？」曰：「雨滴聲。」師曰：「衆生顛倒，迷已逐物。」

檐前雨滴聲，正在眼中鳴。貪他蓑笠者，失却舊茅亭。同上卷三二。

雲門因僧問如何是雲門一句，師曰：「臘月二十五。」

雲門曲調格何高，轉使愁人不奈何。明月清風無價數，一時分付與仙陀。同上卷三三。

岳州巴陵新開院顥鑒禪師，僧問：「如何是道？」師曰：「明眼人落井。」

明眼人落井，波斯上古臺。龍門三級浪，死水有曝腮。同上卷三五。

洞山初因僧問如何是佛，師曰：「麻三斤。」

洞山的的麻三斤，明月堂前贈若人。碧眼厖眉纔舉首，又隨雲雨暗驚神。同上卷三六。

智門因僧問如何是般若體，師曰：「蚌含明月。」曰：「如何是般若用？」師曰：「兔子懷胎。」

蚌含明月兔懷胎，無限禪人劈不開。鐵眼銅睛何擬擬，三千里外笑哈哈。同上卷三七。

頌古

唐肅宗問忠國師無縫塔頌。

無縫塔子鎮團欒，若知端的問耽源。檀那合領深深旨，大地收來薦一言。《禪林類聚卷》一。

芭蕉清禪師答僧問如何是吹毛劍，師云：「進前三步。」僧云：「用者如何？」師云：「退後三步。」風

穴沼禪師答僧問如何是廣慧劍，師云：「不斬死漢。」巴陵鑒禪師答僧問如何是吹毛劍，師云：「珊瑚

枝枝撐着月。」

價重三千不可圖，從教千古強名模。長因塞北烟塵息，記得江南啼鷓鴣。同上卷一七。

世尊昔在靈山會上拈花示衆，是時衆皆默然，唯迦葉尊者破顏微笑。世尊云：『吾有正法眼藏，涅槃妙心，實相無相微妙法門，不立文字教外別傳，付囑摩訶大迦葉。』

世尊拈花，迦葉微笑。不落宮商，是何曲調。古洞風清，寒潭月皎。同上卷一九。

自贊

坐斷南閩第一峰，群魔膽喪虎潛踪。有時一喝春雷動，解逼生蛇化活龍。

面目巖峴耳搭腮，好時如佛笑顏開。莫教觸着無明袋，百怪千妖盡出來。《禪宗雜毒海》卷一。

偈句

籬內竹抽籬外笋，澗東華發澗西紅。《嘉泰普燈錄》卷一〇。

蘇庠

一四六〇三

寫真自贊

松風颼颼，瘦藤在手。惟此白叟，獨全於酒。《研北雜志》卷下。

玉堂端硯銘

琢山骨，維端溪。星皙皙，雲襲之。懸絕壁，下斗池。《硯箋》卷一。

折足硯銘

刁季益

黜歛之珍，擢於深谷。別而不辱，習鑿齒之足。同上卷二。

釋祖可

一四六〇九

題太乙宮

入山三十里，宮殿屹深幽。草樹得春晚，山川長似秋。諸峰羅戶牖，几席嵐光浮。羽人勤我來，容與毒龍湫。風雹有時作，中（霄）「宵」摧一丘。董仙掃遺迹，緬想媚潛虬。奄忽萬里外，蜉蝣觀九州。種杏不知數，於今寧有不？人仙古木悴，鶴去夜猿愁。聊拂溪邊石，心期儻再游。《永樂大典》卷六六九八引《江州志》。

句

亂山爭落日。陸游《老學庵筆記》卷四。

釋元靜

一四六二〇

修路

木庵老教頭，善請搬石頭。與人正路頭，令人識路頭。合寺菩薩子，人人盡點頭。祇有一個不點頭。

答望川山順和尚

紅日三竿猶作夢，清風一枕許誰同？人來問我修何行，報導年來雙耳聾。

拄杖歌

奇哉拄杖非凡木，有山水兮有節目。不短不長兮撐天拄地，不細不粗兮穿雲透谷。或把行，烏龍騰躍太威獐。或把住，金毛師子眉揚豎。或橫擔，兩輪日月互交參。或橫按，七星迸出光燦爛。或靠着，參羅萬象仍吞却。探水卓破金鰲頭，穿雲敲折老虎脚。《續古尊宿語要》日集《南堂道興